






韋賢傳第四十三

漢書七十三

正義大夫行祕書少監琅邪縣開國子顏師古注

韋賢字長孺魯國鄒人也其先韋孟家本彭城為楚元王傅傳子

夷王及孫王戊師古曰官為楚王傳而歷相三王也戊荒淫不遵道孟作詩風諫後遂去

位徙家於鄒又作一篇其諫詩曰

肅肅我祖國自豕韋應劭曰在商為豕韋氏也黼衣朱紱四牡龍旂師古曰黼衣畫為斧形而白與黑為彩也朱紱

為朱裳畫為亞文也亞古弗字也故因謂之紱字又作黻其音同聲彤弓斯征撫寧遐荒師古曰言受彤弓之賜於此得專征伐也總齊羣

邦邦曰翼大商師古曰翼佐助也迭彼大彭勳績惟光應劭曰國語曰大彭豕韋為商伯師古曰迭互也自言豕韋氏與大彭互

為伯於殷商也迭音徒結反至于有周歷世會同師古曰繼為諸侯預盟會之事也王赧聽譖實絕我邦

應劭曰王赧周末王聽譖受譖絕豕韋氏也我邦既絕厥政斯逸應劭曰言自絕豕韋氏之後政致逸漏不

行謂之放師古曰瓚說是也賞罰之行非繇王室師古曰繇與由同也庶尹羣后靡扶靡衛五服

崩離宗周應劭曰五服謂甸服侯服綏服要服荒服也師古曰庶尹眾官之長也羣后諸侯也隊失也音直類反我祖斯微要

于彭城

師古曰言我之先祖於此遂微也遷古遷字其下並同

在予小子勤俟厥生

師古曰諛歎聲音許其反

昵此嫚秦

耒耜曰耕

師古曰言遭秦暴嫚無有列位躬耕於野

悠悠嫚秦上天不寧迺眷南顧授漢于京

師古曰高祖起在豐沛於秦為南故曰南顧言以秦之京邑授與漢也

於赫有漢四方是征

師古曰於讀曰烏鳥歎辭也赫明貌凡此詩中諸歎辭稱於者

其音靡適不懷萬國

師古曰懷思也來也適古攸字攸所也言漢兵所往之處人皆思附而來萬國所以平也

迺命厥弟

建侯於楚俾我小臣惟傳是輔兢兢元王恭儉淨壹

師古曰兢兢謹戒也

黎民納彼輔弼饗國漸世垂烈于後

師古曰元王立二十七年而薨垂遺業於後嗣也

迺及夷王

克奉厥緒咨命不永唯王統祀

師古曰咨嗟也永長也夷王立四年薨戊乃嗣位故言不永也

左右陪臣此

惟皇士

師古曰爾雅云皇正也

如何我王不思守保不惟履冰曰繼祖考

師古曰惟亦思也言不思

念敬慎如履薄冰之義用繼其祖考之業也

邦事是廢逸游是娛犬馬繇繇是放是驅

師古曰繇與悠悠行

貌放放犬也驅驅馬也

務彼鳥獸忽此稼苗烝民曰置我王曰媮

師古曰媮與愉同樂也言衆人失此稼穡以致

困匱而王反以為樂也

所弘非德所親非俊唯罔是恢唯諛是信

師古曰恢大也諛諛言也

喻喻諂

夫嗃嗃黃髮

如瘠曰喻喻自媚貌也師古曰嗃嗃直言也喻音踰嗃音五各反

如何我王曾不是察既藐下

臣追欲從逸

應劭曰藐遠也言疏遠忠賢之輔追情欲從逸遊也臣瓚曰藐陵藐也師古曰藐與藐同應說是也下臣孟自謂也從讀曰縱

嬖彼顯祖

輕茲削黜嗟嗟我王漢之睦親

師古曰睦親也言服屬近

曾不夙夜曰休令聞

師古曰休美也

令善也聞聲名也

穆穆天子臨爾下士明明羣司執憲靡顧

師古曰靡無也言執天子之法無所顧望也顧

讀如古協韻

正遐繇近殆其怙茲

師古曰言欲正遠人先從近始而王怙恃與漢威屬不自勛慎以致危殆也繇讀與由同

嗟嗟我王

曷不此思非思非鑒嗣其罔則

師古曰不思鑒戒之義是令後嗣無所法則也

彌彌其失岌岌其

國

應劭曰彌彌猶稍稍也罪過茲甚也岌岌欲毀壞也師古曰岌岌危動貌音五合反

致冰匪霜致隊靡嫚瞻惟我王昔

靡不練

師古曰言堅冰之成起於微霜隕隊之咎由於怠慢也練猶閱歷之言往昔之事皆在王心無所不閱也

興國救顛孰違悔過

追思黃髮秦繆曰霸

師古曰言興復邦國救止顛隊之道無如能自悔其過惡秦繆公伐鄭為晉所敗而崤廼作秦誓也雖則員然倘猶謝茲黃髮則罔

所愆謂雖有員然之失庶幾以道謀於黃髮之賢則行無所過矣黃髮老壽之人也謂髮落更生黃者也員與云同

歲月其徂年其逮者

師古曰逮及也

耆者老人面色如垢也言歲月驟往年將及者不可殆忽

於昔君子庶顯于後

師古曰於歎辭也言昔之君子庶幾善道所以能光顯於後世也

我

王如何曾不斯覽

師古曰覽視也叶韻音濫

黃髮不近胡不時監

師古曰黃髮不近者斥遠耆老之人也近音其斬反

其在鄒詩曰

微微小子既耆且陋

師古曰自言年老材質鄙陋也

豈不牽位穢我王朝

應劭曰言豈不戀此爵位乎以王朝汗穢

不肅清故也師古曰此說非也恐已穢王

朝所以去耳故下又言懼穢此征也王朝肅清唯俊之庭顧瞻余躬懼穢此

征

李奇曰於此便行也師古曰此皆孟已去遜辭不欲顯王之過惡也

我之退征請于天子天子我恤矜我髮

齒赫赫天子明哲且仁懸車之義曰泊小臣

應劭曰古者七十縣車致仕泊及也天子以縣車之義及我也

師古曰泊音鉅冀反

嗟我小子豈不懷土庶我王寤越遷于魯

應劭曰言豈不懷土乎庶幾王之寤覺欲還輔

相之相近居魯也

既去禰祖惟懷惟顧

師古曰父廟曰禰言去其父祖舊居所以懷顧也禰音迺禮反

祁祁我徒戴負

盈路

師古曰祁祁眾貌一曰祁祁徐行也徒謂學徒也戴負者謂隨其徒居也

爰戾于鄒鬻茅作堂

師古曰戾至也鬻字與剪同

我徒

我環築室于墻

師古曰環遠也

我既薨逝心存我舊夢我瀆上立于王朝

應劭曰瀆

上孟所居彭城東里名也猶不忘本也

其夢如何夢爭王室其爭如何夢王我弼

師古曰弼戾也言夢爭王室之

事王違戾我言也

寤其外邦歎其喟然

師古曰夢在王朝及寐之寤乃在鄒也寤覺也喟音丘位反覺音工效反

念我祖考

泣涕其漣

師古曰漣漣泣下貌音連

微微老夫咨既遷絕

師古曰咨嗟也絕謂與舊居絕也

洋洋仲尼視

我遺烈

師古曰洋洋美盛也烈業也視讀曰示孔子鄒人故言示我遺業也洋洋音祥又音羊

濟濟鄒魯禮義唯恭誦習弦

歌于異他邦

師古曰言禮樂之教不同餘土也

我雖鄙吝心其好而我徒侃爾樂亦在

而

師古曰而者句端之辭侃和樂貌音口旦反

孟卒于鄒或曰其子孫好事述先人之志而作

是詩也自孟至賢五世賢為人質朴少欲篤志於學

師古曰篤厚也

兼通禮

尚書曰詩教授號稱鄒魯大儒徵為博士給事中進授昭帝詩稍

遷光祿大夫詹事至大鴻臚昭帝崩無嗣大將軍霍光與公卿共

尊立孝宣帝帝初即位賢曰與謀議安宗廟賜爵關內侯食邑

師古

曰與讀曰豫

徙為長信少府

師古曰長信者太后宮名為太后官屬也

曰先帝師甚見尊重本始三年

代蔡義為丞相封扶陽侯

孟康曰屬沛郡

食邑七百戶時賢七十餘為相五

歲地節三年曰老病乞骸骨賜黃金百斤罷歸加賜第一區丞相

致仕自賢始年八十二薨諡曰節侯賢四子長子方山為高寢令

早終次子弘至東海太守次子舜留魯守墳墓少子玄成復曰明

經歷位至丞相故鄒魯諺曰遺子黃金滿籬不如一經

如消曰籬竹器受三四斗今陳

留俗有此器蔡謨曰滿簾者言其多耳非器名也若論陳留之俗則我陳人也不聞有此器師古曰許慎說文解字云簾簾也楊雄方言云陳楚宋魏之間謂笱為簾然則筐籠之屬是也今書本簾字或作盈又是盈滿之義蓋兩通也

玄成字少翁呂父任為郎常侍騎少好學修父業尤謙遜下士師古

曰下音胡亞反出遇知識步行輒下從者與載送之師古曰輟從者之車馬也呂為常其接人

貧賤者益加敬繇是名譽日廣師古曰繇與由同呂明經擢為諫大夫遷大

河都尉服虔曰今東平郡也本為濟東國後王國除為大河郡初玄成兄弘為太常丞職奉宗廟典諸

陵邑煩劇多罪過父賢呂弘當為嗣故敕令自免師古曰恐其有罪見黜妨為繼嗣故令以病去言也

弘懷謙不去官師古曰謂若欲代父為侯故避嫌不肯也及賢病篤弘竟坐宗廟事繫獄罪未

決室家問賢當為後者賢恚恨不肯言於是賢門下生博士義倩

等與宗家計議師古曰博士姓義名倩也宗家賢之同族也倩音千見反共矯賢令師古曰矯託也使家丞上書

言大行師古曰為文書於大行以言其事也呂大河都尉玄成為後賢薨玄成在官聞喪

又言當為嗣玄成深知其非賢雅意即陽為病狂臥便利妄笑語

昏亂

師古曰便利大小便

徵至長安既葬當襲爵曰病狂不應召大鴻臚奉狀

章下丞相御史案驗立成素有名聲士大夫多疑其欲讓爵辟兄

者

師古曰辟讀曰避

案事丞相史迺與立成書

師古曰即案驗立成事者

曰古之辭讓必有文

義可觀故能垂榮於後今子獨壞容貌蒙恥辱為狂癡光曜晦而

不宣

師古曰晦讀與暗同

微哉子之所託名也

李奇曰名聲名也

僕素愚陋過為宰相執

事

師古曰過猶謬也

願少聞風聲不然恐子傷高而僕為小人也立成友人

侍郎章亦上疏言聖王貴曰禮讓為國宜優養立成勿枉其志

曰枉屈也

使得自安衡門之下

師古曰衡門謂橫一木於門上貧者之所居也

而丞相御史遂曰立成實

不病劾奏之有詔勿劾引拜立成不得已受爵宣帝高其節曰立

成為河南太守兄弘太山都尉遷東海太守數歲立成徵為未央

衛尉遷太常坐與故平通侯楊惲厚善惲誅黨友皆免官後曰列

侯侍祀孝惠廟當晨入廟天雨淖

師古曰淖泥也音女教反

不駕駟馬車而騎至廟

下有司劾奏等輩數人皆削爵為關內侯立成自傷貶黜父爵歎

曰吾何面目已奉祭祀作詩自劾責曰赫矣我祖侯于豕韋賜命

建伯有殷已綏師古曰建立也立為伯也綏安也以此伯故天下安也厥績既昭車服有常朝宗商

邑四牡翔翔師古曰翔翔安舒貌德之令顯慶流于裔宗周至漢羣后歷世應

曰歷世有爵位肅肅楚傳輔翼元夷師古曰元王夷王也厥駟有庸惟慎惟祇孟康曰駟駟馬也尚書車服以

庸庸功也師古曰庸亦常也即上車服有常同義也祇敬也嗣王孔佚越遷于鄒師古曰孔甚也佚與逸同五世墳僚至我

節侯師古曰自孟至賢五世無官墳空也惟我節侯顯德遐聞師古曰間合韻音問左右昭宣五品已

訓師古曰左右助也言為相也五品五教也訓理也左讀曰佐右讀曰佑既耆致位惟懿惟奐師古曰言以年致仕也懿美也奐盛也厥賜

祁祁百金泊館師古曰祁祁行來貌泊及也國彼扶陽在京之東惟帝是留政謀是

從繹繹六轡是列是理師古曰繹繹和調之貌威儀濟濟朝享天子天子穆穆是

宗是師師古曰穆穆天子之容也宗尊也言天子尊之以為師四方遐爾觀國之輝師古曰輝輝光也茅土之繼在

我俊兄惟我俊兄是讓是形師古曰形見也言其謙讓志節顯見也於休厥德於赫有聲師古

曰於皆歎辭也休美也

致我小子越留於京

師古曰言致爵位於己身而留在京師豫朝請

惟我小子不肅會同

師古曰肅敬也

嬭彼車服黜此附庸

師古曰嬭古情字也削爵為關內侯故云黜此附庸言見黜而為附庸也

赫赫顯爵自

我隊之微微附庸自我招之誰能忍媿寄之我顏誰將遐征從之

夷蠻

師古曰言已恥辱之甚無所自措故曰誰有能忍媿者以我顏寄之誰欲遠行去者當與相從適於蠻夷不能見朝廷之士也

於赫三事匪俊匪

作於蔑小子終焉其度

師古曰於歎辭也三事三公之位也度居也言三公顯職以賢俊為之我雖微蔑方自勉厲終當居此也度音大各反後並同

誰謂華高企其齊而誰謂德難厲其庶而

師古曰華華山也華山雖高企仰則能齊觀道德不易克厲然庶幾

可及

嗟我小子于貳其尤

師古曰于往也尤過也自戒云今以往勿貳其過一曰貳不一也言心不專一致此過也隊彼令聲

申此擇辭

師古曰令善也擇可擇之辭一曰擇謂創也

四方羣后我監我視威儀車服唯肅是

履

師古曰戒他人

初宣帝寵姬張婕妤好男淮陽憲王好政事通法律上奇其

材有意欲召為嗣然用太子起於細微又早失母故不忍也久之

上欲感風憲王輔召禮讓之臣

師古曰風讀曰諷

迺召拜立成為淮陽中尉

是時王未就國立成受詔與太子太傅蕭望之及五經諸儒雜論

同異於石渠閣條奏其對及元帝即位曰立成為少府遷太子太

傅至御史大夫永光中代于定國為丞相貶黜十年之間遂繼父

相位封侯故國榮當世焉立成復作詩自著復玷缺之難師古曰玉缺曰

玷復音房目反難古因曰戒示子孫曰於肅君子既令厥德師古曰於歎辭也肅敬也令善也言

君子之人皆肅儀服此恭棣棣其則李奇曰善威儀也師古曰詩邶栢舟曰威儀咨余

小子既德靡逮師古曰逮及也曾是車服荒嫚曰隊師古曰曾明也明明天子

俊德烈烈不遂我遺恤我九列師古曰恤安也九列卿之位謂少府我既茲恤惟夙惟夜

師古曰夙早也言畏忌是申供事靡惰師古曰申言自約天子我監登我三

事師古曰監察也三事三公之位謂丞相也顧我傷隊爵復我舊我既此登望我舊階先后茲

度漣漣孔懷應劭曰我既此登為丞相也先后茲度父所在也臣瓚曰案古文宅司直

御事我熙我盛師古曰司直丞相司直也御事治事之吏也羣公百僚我嘉我

慶于異卿士非同我心三事惟難莫我肯矜師古曰言已居尊位懼不克勝而羣公百官皆來相慶是

與我心不同也赫赫三事力雖此畢非吾所度退其罔日師古曰我雖畢力於此然懼非所居貶退無日昔

我之隊畏不此居師古曰居合也音基庶反今我度茲戚戚其懼師古曰度亦居也嗟我後人

命其靡常靖享爾位瞻仰靡荒師古曰靖謀也享當也言天命無常唯善是祐謀當爾位無荒怠也愼爾會同

戒爾車服無嬖爾儀曰保爾域師古曰嬖亦古情字也域謂封邑也爾無我視不愼不整

我之此復惟祿之幸師古曰言我之得復此爵乃蒙天之福幸而遇之爾等不當視效而怠慢也於戲後人惟肅惟

栗師古曰於戲讀曰嗚乎無忝顯祖曰蕃漢室立成為相七年守正持重不及父

賢而文采過之建昭三年薨謚曰共侯初賢曰昭帝時徙平陵立

成別徙杜陵病且死因使者自白曰不勝父子恩願乞骸骨歸葬

父墓上許焉子頃侯寬嗣薨子僖侯育嗣薨子節侯沈嗣自賢傳

國至立孫迺絕立成兄高寢令方山子安世歷郡守大鴻臚長樂

衛尉朝廷稱有宰相之器會其病終而東海太守弘子賞亦明詩

哀帝為定陶王時賞為太傅哀帝即位賞曰舊恩為大司馬車騎

將軍列為三公賜爵關內侯食邑千戶亦年八十餘曰壽終宗族

至吏二千石者十餘人初高祖時令諸侯王都皆立太上皇廟至

惠帝尊高帝廟為太祖廟景帝尊孝文廟為太宗廟行所嘗幸郡

國各立太祖太宗廟至宣帝本始二年復尊孝武廟為世宗廟行

所巡狩亦立焉凡祖宗廟在郡國六十八合百六十七所師古曰六十八者郡國之

數也百六十七所宗廟之數也而京師自高祖下至宣帝與太上皇悼皇考各自居陵

旁立廟師古曰悼皇考者宣帝之父即史皇孫并為百七十六又園中各有寢便殿如淳曰黃圖高廟有便殿

是中央正殿也師古曰如說非也凡言便殿便室者皆非正大之處寢者陵上正殿若平生露寢矣便殿者寢側之便殿耳日祭於寢月祭於廟時

祭於便殿寢日四上食廟歲二十五祠如淳曰月祭朔望加臘為二十五晉灼曰漢儀注宗廟一歲十二祠五月嘗麥

六月七月三伏立秋蟠婁又嘗黍八月先夕饋飧皆一太牢酎祭用九太牢十月嘗稻又飲蒸二太牢十月嘗十一月臘二太牢又每月一太牢如閏加一祀與此上十二為二十五祠師古曰晉

說是也便殿歲四祠又月一游衣冠而昭靈后武哀王昭哀后孝文太

后孝昭太后衛思后戾太子戾后各有寢園與諸帝合凡三十所

一歲祠上食二萬四千四百五十五用衛士四萬五千一百二十

九人祝宰樂人萬二千一百四十七人養犧牲卒不在數中至元

帝時貢禹奏言古者天子七廟今孝惠孝景廟皆親盡宜毀及郡

國廟不應古禮宜正定天子是其議未及施行而禹卒永光四年

迺下詔先議罷郡國廟曰朕聞明王之御世也遭時為法因事制

宜師古曰言不必同也往者天下初定遠方未賓因嘗所親曰立宗廟師古曰親謂親臨幸處也

蓋建威銷萌一民之至權也師古曰銷遏逆亂使不得萌生今賴天地之靈宗廟之福

四方同軌蠻貊貢職師古曰同軌言車轍皆同示法制齊也久遵而不定令疏遠卑賤共承

尊祀師古曰共讀曰恭殆非皇天祖宗之意朕甚懼焉傳不云乎吾不與祭

如不祭師古曰論語載孔子之言與讀曰預其與將軍列侯中二千石二千石諸大夫博

士議郎議丞相立成御史大夫鄭弘太子太傅嚴彭祖少府歐陽

地餘諫大夫尹更始等七十人皆曰臣聞祭非自外至者也繇中

出生於心也

師古曰繇讀與由同

故唯聖人爲能饗帝孝子爲能饗親

師古曰言情禮皆備

立廟京師之居躬親承事四海之內各已其職來助祭尊親之大

義五帝三王所共不易之道也

師古曰易改也

詩云有來雍雍至止肅肅相

維辟公天子穆穆

師古曰此周頌雍篇禘太祖之詩也雍雍和也肅肅敬也相助也辟百辟卿士也公諸侯也有來而和者至而敬者助王禘祭是百辟諸侯也

天子是時則穆穆然承事也

春秋之義父不祭於支庶之宅君不祭於臣僕之家王

不祭於下土諸侯臣等愚曰爲宗廟在郡國宜無修臣請勿復修

奏可因罷昭靈后武哀王昭哀后衛思后戾太子戾后園皆不奉

祠裁置吏卒守焉罷郡國廟後月餘復下詔曰蓋聞明王制禮立

親廟四祖宗之廟萬世不毀所已明尊祖敬宗著親親也

師古曰著亦明也

朕獲承祖宗之重惟大禮未備戰栗恐懼不敢自顓

師古曰顓與專同

其與

將軍列侯中二千石二千石諸大夫博士議立成等四十四人奏

議曰禮王者始受命諸侯始封之君皆爲太祖已下五廟而迭毀

師古曰迭互也親盡則毀廟之主臧乎太祖五年而再殷祭言壹禘壹祫

也師古曰殷大也禘諦也一一祭之也祫合也禘音大系反祫音洽祫祭者毀廟與未毀廟之主皆合食於

太祖父為昭子為穆孫復為昭古之正禮也師古曰昭穆者父子易其號序也昭明也穆美也後以晉室諱

昭故學者祭義曰王者禘其祖自出師古曰祖所從出者曰其祖配之而立四廟

言始受命而王祭天曰其祖配而不為立廟親盡也立親廟四親

親也親盡而迭毀親疏之殺示有終也師古曰殺漸降也音所例反周之所曰七廟

者曰后稷始封文王武王受命而王是曰三廟不毀與親廟四而

七非有后稷始封文武受命之功者皆當親盡而毀成王成二聖

之業師古曰二聖文王武王也制禮作樂功德茂盛廟猶不世曰行為諡而已師古曰謂之成

王則是以禮廟在大門之內不敢遠親也臣愚曰為高帝受

命定天下宜為帝者太祖之廟世世不毀承後屬盡者宜毀今宗

廟異處昭穆不序宜入就太祖廟而序昭穆如禮太上皇孝惠孝